

Donostia, 2017ko urriaren 20a

IDAZKARITZA NAGUSIARI

LOURDES TXIKI INGURUA LEHENERATZEKO NEURRIEI BURUZKO KONTROL MOZIOA

Irabazi Donostia udal taldeko zinegotzi Loïc Alejandrok, Udalbatzaren Araudi Organikoaren 98. artikuluan oinarrituta, KONTROL MOZIO hau aurkezten du. Mozioa hil honetako LURRALDEAREN GARAPEN ETA PLANIFIKAZIO BATZORDEAN Lourdes Txiki ingurua leheneratzeko neurriei buruz Hirigintza Sostengagarriko, Etxebizitzako eta Hiri Proiektuetako zinegotzi ordezkari Enrique Ramos Vispo jaunari egindako interpelazioaren ondorio da.

JUSTIFIKAZIOA

Joan den hileko batzordean jakin genuen zer jarduketa gauzatzen ari diren eta gauzatuko diren epe laburrean, Ekintza ikastetxeko neska-mutikoen segurtasuna bermatzeko. Administrazioiko izapideek eta legezko epeek berezko duten moteltasuna deitoratzen dugu, baina, hala ere, uste dugu segurtasunaren alderdia bermatu dela.

Hala eta guztiz ere, zalantza handiak eragiten dizkigu mendi hegala leheneratzeari buruzko gaiak. Eraikuntza ordenantzako (ODE) 2016/30 espedientea aztertzean, deigarriak egin zaizkigu hainbat alderdi, eta horiei buruzko argibideak eskatu dizkiogu Gobernuari:

1. Hau gomendatu zuen Bioaniztasunaren eta Ingurumen Kalitatearen Atalaren buruak, 2017ko maiatzaren 24ko txostenean: *“eremua lehenera ekartzera behartzea, eta eremua lehenera ekartzeko ardura hartzen duen pertsonari edo entitateari eragindako kaltearen proportzio bereko urte epea ezartzea horretarako, eta, horrez gain, epe horretan leheneratze prozesua modu egokian gauzatzen ari dela ziurta dezala; [...] ale gazteak landatuz gero, hartutako neurriak ziurtatu beharko luke aurrekoen antzeko tamainakoak izango direla gerora, eta habitata lehen zeuden espezie guztiekin berreskuratuko dela”*. Alabaina, Ikerlur enpresaren proiektuan ez dugu horren inguruko ez erabakirik ez neurririk ikusi.

Horri buruz galdetuta, Gobernuak erantzun zuen Eraikuntza ordenantza (ODE) baten esparruan, denboran duen helmena mugatua denez, ez dela mota horretako betebeharririk. Ezin dugu balioztatu betebehar hori ODEan sar daitekeen edo ez, baina garrantzitsua iruditzen zaigu Ingurumen Sailaren gomendioa betetzeko

moduren bat bilatzea, leheneratze bat arrakastatsutzat jo baitaiteke landatutako espezieak behar bezala garatzen badira soilik.

2. Halaber, hau proposatzen du Bioaniztasunaren eta Ingurumen Kalitatearen Atalaren buruak: *“eremu horrek HAPOn babestuta egoten jarraitzea, natura balioak murriztu diren arren; izan ere, erabat lehenera ekartzea izan beharko genuke helburu, beste erabilera batzuk baimendu gabe”*. Horri buruz Batzordean galdetu dugu, baina oraindik ez dakigu zer asmo dituen Gobernuak horren inguruan. Erantzun zitzaien badela lursail hori erosteko asmoa, eremu publiko bihurtzeko, eta betiere naturagune bezala geratuko litzatekeela, baina zalantzak ditugu haren babes mailari dagokionez.
3. Mendiak eta Habitatak Kudeatzeko zerbitzuburuak 2017ko maiatzaren 24ko txostenean adierazi zuen Gipuzkoako Foru Aldundiak baldintza bat jarri zuela 50 metroko zabaleran zuhaitzak mozteko: *“Zerbitzu honetan leheneratzeko plan bat aurkeztea, hemen onar dadin”*. Mozketa hori egin da, eta leheneratzeko plan bat idatzi da Ikerlur enpresaren proiektuan, baina Gobernuak ez zuen jakin esaten ea plan hori Foru Aldundiaren mende jarri zen edo ez, onartzeko. Udalak agindutako ODE bat denez, ezin du albo batera utzi Foru Aldundiaren eskakizuna.
4. Ikerlur enpresaren proiektuan, mendi hegala leheneratzeko aurreikusita dituen espezien zerrenda bat ere jaso da. Espezie gehienak exotikoak dira, eta harrigarria da zerrenda horretan ez agertzea moztutako espezie bakar ere, 2017ko uztailaren 28ko Aldundiaren txostenean adierazitakoak (*“23 haritz, 13 sasiakazia, 12 ereinotz eta 4 gaztainondo”*).

Horri buruz galdetuta, Gobernuak erantzun zuen ODE baten helmena mugatua dela, eta jabetzak proposamen alternatibo bat egin ahal izango duela, berriro landareztatzeko 2. faseko. Ikerlur enpresaren proiektuan proposatutako leheneratzeko planak antz handiagoa du lorategi baten ezaugarriak erantsi zaizkion nahasketa batekin, baso baten benetako leheneratzearekin baino. Ziur asko, ziur ez esatearren, jabetzak proposamen alternatibo bat egiten badu, ez du helburu izango lursaila haritzak, akaziak edo gaztainondoak landatuz basoberritzea. Horregatik, garrantzitsua da jabetzari jakinarazi zaion landareztatzeko proposamena, lehenetsi dena, egokia izatea leheneratzearen ikuspegitik, eta Udaleko Bioaniztasunaren eta Ingurumen Kalitatearen Atalaren zuzendaritzaren oniritzia izatea.

5. Mendi hegala leheneratzeko aurreikusitako espezien zerrendan *“BUDDLEIA C4”* ageri da. Buddleja, baina, genero bat da, eta ez dakigu genero horretako zer espezie den zehatz-mehatz. Kezkatzen

gaituena da Buddleja Davidii espeziea izan daitekeela. Izan ere, espezie hori *Espezie exotiko inbaditzaileen Espainiako katalogoan* ageri da, bai eta *Euskal Autonomia Erkidegoko Flora aloktono inbaditzaileen diagnosian* ere, eta Uraren Euskal Agentzia espezie hori (besteak beste) desagerrarazteko ahalegina egiten ari da.

Batzordean, Gobernuak ezin izan zuen adierazi Buddleja Davidii espeziea den edo ez. Garrantzitsua da hori jakitea, agian Udala espezie inbaditzaile bat landatzeko agintzen ari baita.

Hori dela eta, KONTROL MOZIO hau aurkezten dugu:

KONTROL MOZIOA

1. Donostiako Udalbatzak eskatzen dio Gobernuari eransteko ODE 2016/30 espedienteari Ikerlur enpresak izenpetutako proiektuaren –*Ekintza Ikastolaren gainaldeko mendi hegal bat egonkortzeko lanen eraikuntza proiektua*– balorazioa jasotzen duen Biodibertsitateko eta Ingurumen Kalitateko Zuzendaritzaren txosten bat, Zuzendaritza horren 2017ko maiatzaren 24ko txostenarekin – espedienteen jaso– bat datorrena.
2. Donostiako Udalbatzak eskatzen dio Gobernuari egiteko leheneratzeko proposamen alternatibo bat, Biodibertsitateko eta Ingurumen Kalitateko Zuzendaritzaren gomendioak oinarri hartuta, eta txertatzeko proposamen hori Ekintza Ikastolaren gainaldeko mendi hegala egonkortzeko lanak egiteko Eraikuntza ordenantzan. Proposamen hori lehenetsitako leheneratzeko proposamena izango da, betiere kontuan hartuta lursailaren jabetzak beste proposamen alternatibo bat egin lezakeela.
3. Donostiako Udalbatzak eskatzen dio Gobernuari aztertzeko nola ziurtatu dezakeen Udalak, modu formal eta esplizituan, Ekintza Ikastolaren gainaldeko mendi hegalaren ingurumen leheneratzea lortze aldera landatutako zuhaitzak behar bezala garatzen direla, eta emateko udaleko talde politikoei azterketa horren emaitzen berri.
4. Donostiako Udalbatzak eskatzen dio Gobernuari eusteko Ekintza Ikastolaren inguruaren babesari, barnean hartuta zuhaitz mozketak egin diren mendi hegala.
5. Donostiako Udalbatzak eskatzen dio Gobernuari ziurtatzeko Ikerlur enpresak izenpetutako proiektua –*Ekintza Ikastolaren gainaldeko mendi hegal bat egonkortzeko lanen eraikuntza proiektua*–



Gipuzkoako Foru Aldundiko Mendiak eta Habitatak Kudeatzeko Zerbitzuaren mende jarri dela edo jarriko dela, oniritzia eman dezan.

6. Donostiako Udalbatzak eskatzen dio Gobernuari ziurtatzeko Ikerlur enpresak izenpetutako proiektuan –*Ekintza Ikastolaren gainaldeko mendi hegal bat egonkortzeko lanen eraikuntza proiektua*– ez dela proposatzen ezein espezie inbaditzaile landatzea.

Sin.: Loïc Alejandro,
Irabazi Donostia taldeko zinegotzia.